

ԱՐԵՎՄՏՅԱՆ ՀԱՅԱՍՏԱՆԻ ՍՈՑԻԱԼ-ՏՆՏԵՍԱԿԱՆ ԵՎ
ՔԱՂԱՔԱԿԱՆ ԴՐՈՒԹՅՈՒՆԸ 1900—1908 ԹՎԱԿԱՆՆԵՐԻՆ

1. ԱՐԵՎՄՏԱՀԱՅԵՐԻ ՍՈՑԻԱԼ-ՏՆՏԵՍԱԿԱՆ ՎԻՃԱԿԸ 1900—1908 ԹԹ.

XIX դարի վերջերից կապիտալիզմը թևակոխել էր իր զարգացման բարձրագույն՝ իմպերիալիզմի փուլը: 1900—1903 թթ. Ռուսաստանում սկսված տնտեսական ճգնաժամը շուտով ընդգրկեց նաև կապիտալիստական մյուս խոշոր երկրները: Ըզնաժամն ավելի սրեց Անգլիայի, Գերմանիայի, Ռուսաստանի, Ֆրանսիայի, Ճապոնիայի, ԱՄՆ-ի, Իտալիայի, Ավստրո-Հունգարիայի միջև եղած հակասությունները և մրցավազքը՝ սպառազինման, հումքի և սպառման նոր շուկաների համար մղվող պայքարում: Երկրագնդի վրա այլևս ազատ տերիտորիաներ չկային. աշխարհը բաժանված էր իմպերիալիստական տերությունների միջև: Պայքարը մղվում էր աշխարհի վերաբաժանման համար, որը տանում էր դեպի համաշխարհային զավթողական (իմպերիալիստական) պատերազմի սանձազերծում: Ուժգին թափ ստացավ պատերազմի զաղափարական նախապատրաստությունը, որը տարածվում էր մեծապետական շտիկիզմի՝ պանգերմանիզմի, անգլո-սաքսոնական ռասայի գերազանցության մոլեգին պրոպագանդայի պայմաններում, թուրքիայում՝ պանիսլամիզմի ու պանթուրքիզմի քարոզներով: Այս միջոցով ճնշված և իրավազուրկ, ազգային զարթոնք ապրող ժողովուրդների վրա ազդում էր հակառակ ուղղությամբ՝ մղելով նրանց ինքնապաշտպանության և ազգային-ազատագրական պայքարի ուղին: Միջազգային ասպարեզում պայքարի գլխավոր առանցքը Անգլիայի և Գերմանիայի իմպերիալիստական հակասություններն էին. այդ առանցքի շուրջն էլ համախմբվում էին իմպերիալիստական ուժերը՝ նախապատրաստվող զավթողական պատերազմում կազմելով երկու հակառակ խմբավորումներ՝ «Ենյակ միությունը» (Ավստրո-Հունգարիա, Իտալիա, Գերմանիա), և Անտանտան («Ենյակ համաձայնությունը»), որի մեջ մտնում էին Անգլիան, Ֆրանսիան, Ռուսաստանը: Հետագայում այս խմբավորումներին միացան Թուրքիան, Բուլղարիան (առաջին խմբին), Բելգիան, Հունաստանը, Սերբիան, ԱՄՆ-ը (երկրորդ խմբին):

Պատմականորեն ավելի ուշ ասպարեզ իջած գերմանական ճեռիտասարդ իմպերիալիստական գիշատիչը¹, համաշխարհային գերիշխանության հասնելու իր անդուսպ ձգտման մեջ, առաջնակարգ տեղ էր հատկացնում Թուրքիային, որի աշխարհագրական դիրքը բացառիկ նշանակություն ուներ երեք մեր-

ցակիցներին՝ Անգլիային, Ռուսաստանին և Ֆրանսիային հարվածելու համար՝ Մերձավոր ու Միջին Արևելքի հարուստ շուկաներից նրանց դուրս մղելու և Անգլերիկական, Իրանի, արաբական Արևելքի և հենց բուն Թուրքիայի բնական հարստությունները շահագործելու տեսակետից:

1901—1903 թթ. Մակեդոնիայում բռնկված ազգային-ազատագրական ապստամբական ելույթներն իրենց վրա էին կենտրոնացրել եվրոպական դիվանագիտության ուշադրությունը: Մակեդոնիայում բարենորոգումների ծրագիրն իրագործելու անվան տակ տեղի ունեցավ ռուսական կայսր Նիկոլայ II-ի և ավստրիական կայսր Ֆրանց Իոսիֆի հանդիպումը, որը վերջացավ ավստրո-ռուսական Մյուրցշտեգի համաձայնագրի ստորագրումով՝ 1903 թ. օգոստոսին: Համաձայնագիրը նախատեսում էր սուլթանի կառավարության հսկողության տակ Մակեդոնիայում իրականացնել բարենորոգումների ծրագիրը: Միաժամանակ պահանջվում էր զաղարեցնել խաղաղ բնակչության նկատմամբ թուրքական բռնությունները: Մեծ տերությունների նախորդ համաձայնագրերի նման, սա էլ մնաց թղթի վրա: Մակեդոնիայում թուրքական զորքերը մահ և ավերածություն էին սփռում, առաջ բերելով եվրոպայի հասարակական կարծիքի բողոքն ու զայրույթը: Գոյություն ունեւր ֆրանս-ռուսական համաձայնագիրը (1892—1893 թթ.) և Անգլո-ֆրանսիական «Սրտագին դաշնակցությունը» (1904): Մնում էր Ռուսաստանի հետ համաձայնության հասնել Մերձավոր ու Միջին Արևելքում տակավին չկարգավորված հարցերի վերաբերյալ:

1907 թ. Պարսկաստանի, Աֆղանստանի և Տիբեթի տարածքում ազդեցության գոտիների վերաբերյալ անգլո-ռուսական համաձայնագրի ստորագրումով կարգավորվեցին եղած տարաձայնությունները: Այդպիսով ավարտվեց Անտանտայի փաստական ձևավորումը: Իմպերիալիստական երկու ռազմական խմբակցությունների միջև պատերազմի ստանձազերծումը սոսկ ժամանակի խնդիր էր:

* * *

Միջազգային քաղաքական այսպիսի իրադրության մեջ, Օսմանյան կայսրությունում XX դարի սկզբին տիրապետող էին ղեռնա ամենահետամնաց ռազմաֆեոդալական հարաբերությունները, Իմպերիալիստական պետությունների հակասությունների ու մրցակցության խառնարանում Թուրքիան ավելի ու ավելի էր տնտեսական կախման մեջ ընկնում և վերածվում կիսազաղույթի:

Արդյունազործական և արհեստագործական մանր ձեռնարկություններն ստեղծվում էին հիմնականում ներքին շուկայի պահանջների հողի վրա: Պայմաններ չկային դրանք ընդարձակելու և խոշոր արդյունաբերական ձեռնարկությունների վերածելու համար: Սակայն այդ աննպաստ պայմաններում էլ կապիտալիստական արտադրանքանակը թեև դանդաղ, տառապալից ջղաձրգումներով արմատավորվում էր երկրում: Կապիտալիզմի առաջացման բնապատմական օրնկյուրով պրոցեսն էր դա, որի հետ էին կապված նաև հասարակական մտքի ոլորտում առաջացած հեղաբեկումները, քաղաքական ու ազատագրական շարժումները:

Արհեստագործական և արտադրական միջին և մանր կարողության ձեռնարկություններում կիրառվում էր վարձու բանվորական ուժը: Տեքստիլ, մանածագործական, մետաքսի ու բամբակի գործվածքների, պղնձագործական, ասկերչական ձեռնարկություններ գոյություն ունեին Կ. Պոլսում, Իզմիրում

(Զմյուռնիա), Տրապիզոնում, Կարինում, Վանում, Դիարբեքիրում (Տիգրանակերտ), Թորատում և այլ քաղաքներում:

Այդ ձեռնարկություններում կենտրոնացած էին որակյալ բանվորներ, նրանք իրենց իրավունքները պաշտպանելու համար համախմբվում էին արհեստակցական միությունների և համքարական կազմակերպությունների մեջ, հիմնում փոխօգնության ֆոնդեր:

Դարասկզբին միայն Դիարբեքիրում գոյություն ունեին անազա-պղնձա-ծուղողների (15 վարպետ և 20 բանվոր), երկաթագործների (50 վարպետ և 100 բանվոր), հյուանների (նաջարների) (70 վարպետ և 30 աշակերտ), սև մետաքսյա գործվածք արտադրողների (փուշիճիների, ջուլհակների՝ բամբակե թելից կտոր գործողներ), գույնզգույն մետաքսե թաշկինակներ (զլիսաբոզ) գործողների և մի շարք այլ միություններ²։ Նման միություններ գոյություն ունեին նաև Կ. Պոլսում, Իզմիրում, Վանում, Խարբեքում, Թորատում և այլ հայաբնակ քաղաքներում։ Սակայն այդ արհեստագործական միություններն անմխիթար վիճակում էին։ Օտարերկրյա ապրանքների մուտքը ներքին շուկա քայքայում և դուրս էր մղում տեղական մանր ձեռնարկատերերին, որոնք չէին դիմանում մրցակցությանը:

Շուկայական հարաբերությունները քայքայում, շերտավորում էին առաջացնում արհեստավորների և մանր ապրանքարտադրողների մեջ, նրանց մղում կապիտալիստական արտադրահարաբերությունների ոլորտը։ Որոշ տեղերում հաջողվում էր արհեստանոցների ընդլայնման և ժամանակակից սարքավորումների գործադրման ճանապարհով հիմնել մանուֆակտուրային ձեռնարկություններ:

Կարինում, Սեբաստիայում, Շատախում, Վանում, Բիթլիսում, Կեսարիայում, Թորատում շալագործական, կտավագործական, պղնձագործական և այլ ձեռնարկությունների արտադրանքն սպառվում էր ոչ միայն ներքին, այլև արտաքին շուկայում։ Բանվորները հաճախ աշխատում էին առևտրականների մատակարարած հումքով և վարկով։ Աստիճանաբար տեղի էր ունենում արտադրության կապիտալիստական եղանակին անցնելու պրոցես, երբ տնայնագործն իր տանը կամ ձեռնարկության մեջ փաստորեն աշխատում էր կապիտալիստի համար որպես վարձու բանվոր։ Փոխվում էր նաև կապիտալի բնույթը, առևտրական կապիտալը փոխակերպվում էր արդյունաբերականի, XX դարի սկզբներին Արաբկիրում, որտեղ կտավագործությունը հայ ազգաբնակչության հիմնական զբաղմունքն էր, արդեն գոյություն ունեին մանուալային 15, մանածաթելի 9, սավանի և սփռցի պատրաստման 18 ձեռնարկություններ³:

Խարբեքում դարասկզբին կտավագործական երկու ձեռնարկություն կար, որոնք տարեկան 1000 ոսկու արտադրանք էին տալիս։ Հռչակված էր նաև Պեննհյանի գորգագործական ձեռնարկությունը, որը 1910—1912 թթ. արդեն ուներ իր մասնաճյուղերը Խարբեքում և այլ վայրերում։ Նրա արտադրած գորգերը հասնում էին նաև Ամերիկա։ Նյու-Յորքում Պեննհյանը ուներ իր գորգավաճառման խանութը⁴։ Դարասկզբին միայն Վանում կար 100 կտավագործական արհեստանոց՝ 300 դազգահով, որոնք հազարավոր մետրերով


² «Վտակ», № 47 (մարտի 1), 1908.

³ Տե՛ս Ս. Էփրիկյան, Բնաշխարհիկ բառարան, հ. 1, գիրք Ա, Վենետիկ, ա. Ղազար, 1903, էջ 280.

⁴ Տե՛ս Մ. Ջիզմեյան, Խարբեքը և իր զավակները, Կալիֆորնիա, 1955, էջ 376—377.

կտավ էին վաճառում: Վանում հայ վարպետները պատրաստում էին բարձրորակ կահույք:

Արդյունագործության որոշ ճյուղերում (կտավագործության, մանածագործության, մետաքսագործության, պղնձագործության և այլն) նկատվում էր անցում մանուֆակտուրային արտադրությունից դեպի գործարանային արտադրություն (հարբերդ, Վան, Դիարբեքիր և այլն): Այդ քաղաքներում արտադրության մի շարք ճյուղերում արդեն ընդգրկված էին տասնյակ ու հար-



Կայնկագործի արհեստանոց

յուրավոր վարձու բանվորներ, որոնք աշխատում էին ոչ թե ձեռքով, այլ մեքենաների վրա⁵:

Արհեստների և արդյունաբերության հուշակված կենտրոններից էր Թորատը 1906 թ. Թորատի պղնձագործական արհեստանոցներում աշխատում էր շուրջ 1000 մարդ: Եվրոպական ցինկե իրերի մուտքն զգալի հարված հասցրեց պղնձագործությանը ոչ միայն Թորատում, այլև Ուրֆայում, Սերաստիայում, Մարզվանում, հարբերդում, Ամասիայում, Կարինում, Վանում և այլ վայրերում⁶: Բիթլիսում կտավագործությունը կորցնում էր իր վաղեմի դիրքը: Դրե-

⁵ Տե՛ս «Բյուզանդիոն», 22 հունվարի 1907 թ.: Ա. Ալպոյանյան, Փատմություն Եվգուկի հայոց, Կահիրե, 1952, էջ 1276:

⁶ Տե՛ս Ա. Ալպոյանյան, նշված աշխ., էջ 1277:

թե անհետանալու վրա էր նրա հռչակավոր «շիրան» (կարմիր գույնի կտավը)։

Տիրող կամայականության պայմաններում դանդաղում էր երկրի տնտեսական առաջադիմությունը։ Կողոպուտները և նախամտածված հրդեհներն ավերածության էին ենթարկում Վանի, Խարբերդի, Ադանայի, Ուրֆայի և այլ կենտրոնների շուկաները։ 1908 թ. իշխանությունները Խարբերդում բռնագրավեցին երկրագործական գործիքների ձեռնարկությունները⁷։ Վանում և այլ վայրերում աշխատավորների մի մասն ստիպված թողնում էր իր զբաղմունքը, կամ հեռանում երկրից։ Միայն Կ. Պոլսում վանեցի տարազնացների թիվը դարասկզբին հասնում էր 3000-ի։

Առևտրի զարգացման համար անհամեմատ բարենպաստ պայմաններ կային ծովեզրյա քաղաքներում։ Արևմտյան Հայաստանում տնտեսական ու առևտրական կարևոր կենտրոնները կանոնավոր հաղորդակցության միջոցների քացակալության պատճառով սերտորեն չէին կապված արտաքին շուկայի հետ։ Տրապիզոնից ապրանքը Վան էր հասնում 40—50, իսկ Պարսկաստանից՝ Խոյի և Սալմաստի վրայով՝ 8—15 օրում։ Արտասահմանի հետ Արևմտյան Հայաստանի քաղաքներն առևտուր էին անում Կ. Պոլսի վրայով՝ Տրապիզոն-Մարսել, իսկ Ռուսաստանի հետ՝ Տրապիզոն-Բաթում գծով։ Այդ քաղաքների առևտրական հաշվեկշռում գերիշխում էին ավստրիական, գերմանական, անգլիական, ֆրանսիական և իտալական ապրանքները։ Ռուսաստանից Արևմտյան Հայաստան էր ներմուծվում նավթ, բրինձ, մանուֆակտուրա, մանավանդ չիթ։ Իսկ Արևմտյան Հայաստանի քաղաքներից արտահանվում էր Այնթափից՝ մանուա, Դիարբեքիից՝ մետաքս գործվածքեղեն, Կարինից՝ կաշվեղեն ու ապուխտ, Խարբերդից՝ խմիչքներ ու բամբակ, Թոքատից՝ յաղմա, Բիթլիսից՝ դոշար, շամիլ, Սղերդից՝ կաշվեղեն, բրդյա գործվածքեղեն, Վանից՝ անասուններ, ձուկ, բորակ, Շատախից՝ շալ և այլն։

Վանում խոշոր վաճառականների թիվը հասնում էր 35-ի, իսկ մանր խանութպաններինը՝ 3000-ի։ Խոշոր առևտրականներից յուրաքանչյուրը տարեկան ներմուծում և իրացնում էր մոտ 30.000 լիրայի ապրանք։ Սալոնոդների 80%-ը գյուղական աղաքնակալությունն էր։

XX դարի սկզբին Թուրքիայի տնտեսական կյանքում ավելի որոշակի են դառնում հայ բուրժուազիայի տարբեր շերտերի գրաված տեղն ու դերը։ Հայ կոմպրադորները (միջնորդ վաճառականները), որոնք կենտրոնացված էին գլխավորապես Կ. Պոլսում և Իզմիրում, շարունակում էին իրենց տնտեսական սերտ կապերը ֆրանսիական, անգլիական և ընդհանրապես արևմտանվորական կապիտալի հետ։ Նրանք իրենց ձեռքում էին կենտրոնացրել ուստանդուպոլսի առևտուր և ֆինանսների զգալի մասը և տնտեսական շահերով կապված էին Թուրքական վերնախավի հետ։ Օգտվելով պետական հովանավորությունից, երկրի տնտեսական կյանքում աստիճանաբար տիրապետող էին դառնում Թուրք իշխող տարրերը։ Նույն եկամուտն ունեցող Թուրք վաճառականից պետությունը երեք անգամ պակաս էր հարկ վերցնում, քան հայ վաճառականից⁸։

Այսպիսով, Թուրքական բռնապետական կարգերը և եվրոպական խոշոր տնտեսությունների գաղութային քաղաքականությունն արգելակում էին Թուրքիայի և

7 Տե՛ս Վանե Հայկ, Խարբերդը և անոր ոսկեղեն դաշտը, Նյու-Յորք, 1959, էջ 649։

8 Տե՛ս «Վոսեկ», № 57, 1908։

Հատկապես Արևմտյան Հայաստանի արտադրողական ուժերի զարգացումը, վատթարացնում արևմտահայության կացությունը, վտանգում նրանց ֆիզիկական գոյությունը:

• • •

Սուլթանական բռնապետության կեղերիչ ու դաժան կարգերը կործանարար ազդեցություն ունեին Հատկապես աշխատավոր գյուղացիության վրա: Գյուղացիական բազմաթիվ տնտեսություններ հարկերի ծանրությունից սնանկանում էին:

Հողազուրկ գյուղացին կամ ստիպված էր հեռանալ իր բնակավայրից, կամ հարկազուրկ էր դառնալ զավթիլ բեգի «մարաբան» և նույնիսկ «խաֆիրը» (ճորտը): Հայ գյուղացին «ազատ» վարձակալից վերածվում էր փաստական ճորտի: Մինչև սահմանադրության վերահաստատումը (1908) հայ գյուղացիների մեծամասնությունը Տարոնի գավառներում արդեն «մարապա էին թուրքերուն և քուրտերուն. հայերու հողերուն մեծ մասը պաշտոնապես անոնց անունին արձանագրված էր»⁹:

Խոշոր հողատերերը ընչին վարձատրությամբ կեղերում էին գյուղացիներին: Տնտեսական հարստահարման այս եղանակի մասին Վ. Ի. Լենինը գրում էր. «Դա եին շինական է: Դա քուրքերեն է: Դա նորտաիրականորեն է»¹⁰: Սուլթանական կառավարությունը օգտագործվող հողի վրա հայ գյուղացու իրավունքը հաճախ կախման մեջ էր դնում դավանափոխությունից:

Արևմտյան Հայաստանի որոշ գավառներում՝ Խարբերդի կազայում հայ գյուղացիական տնտեսությունների 74,1%-ը, Բուլանջիում՝ 60, Տարոնում՝ 80%-ը, Աբաղայի գաշտում՝ 77 գյուղերից 62-ը¹¹, հողազրկվել և բնակիչները մարաբա էին դարձել:

Մարաբա դարձած գյուղացին առանց գավառական իշխանությունների թույլտվության հաճախ չէր կարող այլ տեղ գնալ: Ագրարային հարաբերությունների մեջ տեղի էր ունենում մի ետերթաց տեղաշարժ՝ ճորտատիրության հաստատում սուլթանական կառավարության կողմից, կալվածատիրություններ խրախուսելու և հովանավորելու, հողային հափշտակումներն օրինակաչանցնելու ճանապարհով: Ավազակային հարձակումներից ու ասպատակություններից պաշտպանվելու համար հաճախ ամբողջ գյուղեր ստիպված էին ապավինել այս կամ այն աղայի ու բեգի հովանավորությանը, որովհետև գյուղացիները զուրկ էին պաշտպանության միջոցներից, իսկ աղաներն ու բեգերը զինված բանդաներ ունեին:

Աղաները, բռնազրավելով գյուղացիների հողերը, համարյա ամենուրեք նրանց բաժինը հասցրել էին ընչին շափերի: 1909—1910 թթ. տվյալներով Արևմտյան Հայաստանում յուրաքանչյուր գյուղական տնտեսություն ուներ միջին հաշվով 3,5 հեկտար վարելահող¹²: Ամենասակավաճողը հայ գյուղա-

9 Մ. Բղեյան, Հարազատ պատմություն Տարոնի, Կահիրե, 1962, էջ 262:

10 Վ. Ի. Լենին, ՆժԺ, հ. 23, էջ 339:

11 Տե՛ս Ա.—Դո, Վանի, Բիթլիսի և էրզրումի վիլայիթները, Երևան, 1912, էջ 278: Ա. Ս. Համբարյան, Ագրարային հարաբերությունները Արևմտյան Հայաստանում (1856—1914), էջ 216:

12 Տե՛ս А. Д. Новичев, Очерки экономики Турции до мировой войны, М., 1937, стр. 268.

ցին էր: Գյուղացիներին հողաբաժիններ էին հատկացվում միայն նրանց հողին ամբացնելու և ոչ թե տնտեսությունը ապահովելու նկատառումով:

Գյուղացիին տնտեսությունը վարում էր նախնադարյան եղանակով. նա տակավին զաղափար չուներ, գութանի մասին: Միայն որոշ զավառներում հարուստ գյուղացիների ազարակներում երբեմն երևում էին ժամանակակից գյուղատնտեսական գործիքներ: Թուրքիայում մշակվում էր օգտագործման համար պիտանի հողերի 40—45%-ը, որի երեք-քառորդը վակուֆային (կրոնական հաստատություններին պատկանող) հողեր էին, իսկ գյուղացիներին պատկանում էր մշակելի տարածության հազիվ 10 տոկոսը¹³:

Արևմտահայ շինականը շարունակում էր վճարել պետական նախկին տասանորդն ու ուխտաճարկը, եկամտաճարկը և զինվորական հարկը, շարունակում էր կատարել աղալական զանազան տարապարհակներ, վճարել կրոնական հաստատությունների բազմաթիվ տուրքերը: Ֆեոդալական շահագործող վերնախավը և կառավարությունը, չբավարարվելով հին հարկերով, նոր պարտավորություններ էին դնում գյուղացիներին՝ վրա:

Տասանորդի և մյուս գլխավոր հարկերի գանձումը թուրքական կառավարությունն աճուրդով տալիս էր կապալառուներին: Գավառի կամ շրջանի հարկահավաքման իրավունքը գնորդներն իրենց հերթին վաճառում էին ավելի փոքր տեղամասերի գնորդներին, սրանք էլ՝ ավելի մանրերին: Տասանորդի գանձումը սովորաբար անցնում էր 4—5 ձեռքից մինչև հասնում էր վերջին հարկահավաքին: Յուրաքանչյուրն իր համար պահում էր գանձված հարկի մի մասը, բացի աճուրդով գնած իրավունքի համար վճարած գումարից: Հետևանքը լինում էր այն, որ իրականում հարկահավաքը գյուղացուց վերցնում էր ոչ թե բերքի սահմանված 12,5%-ը, այլ 30—40 տոկոսը: Գյուղացին իրավունք չուներ բերքը կալից ամբար փոխադրել՝ առանց հարկահավաքի (Ռահ-սիլդարի) թույլտվության: Իսկ հարկահավաքը չէր շտապում: Նրա կամեցությամբ էր թողնված հարկը գանձել զրամով կամ քնամթերքով:

Այդ պահին էլ հրապարակ էր իջնում վաշխառուն և իր ցանցի մեջ առնում գյուղացուն: Այսպիսով, աշխատավոր գյուղացուն կողոպտում էր ֆեոդալը՝ աղան, շեխը, բեգը, փաշան, կրոնավորը, կողոպտում էր պետությունն իր տեղական պաշտոնյաներով, հարկահաններով, դատավորներով, կայմա-կամներով ու ոստիկանապետներով: Թևրի մնացածը լրացնում էին «համիդիե» գնդերի զինված բանզաները, որոնք ասպատակում էին հայ գյուղերը՝ հայդուկներ «հալածաբերելու» և «խռովարարներին» պատժելու պատրվակով: Ցանկացած փաշան կարող էր ուղած չափով զավառը «փետրահան անել», — գրում էր Ռ. Լյուքսեմբուրգը և ավելացնում, որ Թուրքիայում «գրեթե բոլոր պաշտոնյաները վաճառվում են, պաշտոնյաները ռոճիկ չեն ստանում, ապրում են տեղաբնակ ժողովրդի հաշվին»: Ուրեմն, «պաշտոնեությունը Թուրքիայում աղաքանակչության բազմամարդ մի հատուկ դասակարգ է, որն անմիջականորեն ներկայացնում է տնտեսական մի գործոն և իր գոյությունը պահպանում է ժողովրդին պրոֆեսիոնալ կարգով կողոպտելով»¹⁴:

¹³ Տե՛ս «Մուրճ», № 8, էջ 122:

¹⁴ Ռ. Լյուքսեմբուրգ, Ազգային պայքարը Թուրքիայում և սոցիալ-դեմոկրատիան («Բաների Երևանի» համալսարան», № 2, 1971, էջ 140):

Հարկային այսպիսի դաժան հարստահարումը հնարավորություն չէր տալիս գյուղացիներին բարելավելու իրենց տնտեսությունը: Եվ, ընայած Արևմտյան Հայաստանն ուներ տնտեսական զարգացման մեծ հնարավորություններ, բայց տիրապետող սոցիալ-տնտեսական կարգերի հետևանքով օգտագործվում էր դրանց փոքր մասը միայն: Սաստկացող ճնշումները, անընդհատ ավելացող հարկերն ու պարահաները գյուղացու մեջ խեղդում էին տնտեսությունը զարգացնելու և ընդարձակելու նախաձեռնությունը:

2. ԱԶԱՏԱԳՐԱԿԱՆ ՇԱՐԺՈՒՄՆԵՐՆ ԱՐԵՎՄՏՅԱՆ ՀԱՅԱՍՏԱՆՈՒՄ XX ԴԱՐԻ ՍԿԶՐԵՐԻՆ

Օգտվելով մեծ տերությունների միջև եղած հակասություններից, սուլթանի կառավարությունը շարունակում էր հայահալած իր քաղաքականությունը: Շատերն էին այն կարծիքին, որ սուլթանին հաջողվեց 1895—1896 թթ. ղանգվածային կոտորածներով հայերի մեջ մեղցնել ազատաբաղձ ոգին, կաթվածահար անել հայ ազգային-ազատագրական շարժումները և հայ ժողովրդին պարտադրել ստրկական գոյավիճակ: Սակայն Տարոնի և Սասունի հերոս Մերոբի (Տարոնի Սոխորթ գյուղից) եղբրական վախճանից հետո, այդ շրջանի ազատագրական շարժման քաղաքական ղեկավար Հրայրին (1866—1904) և Սասունում հայդուկային խմբերի ղեկավարություն ստանձնած Անդրանիկ Օզանյանին (չապինկարահիսարցի, 1865—1927) հաջողվեց համախմբել ցարքերիվ ուժերը և զինավորել ազատագրական պայքարը: Անդրանիկն իր ուշադրությունը դարձրեց Տարոնի միջնաբերդ Սասունի վրա, ուր թուրքական կառավարությունը 1901 թ. մայիսից ձեռնարկել էր զորանոցներ կառուցելու գործը: Նա կոչ էր անում սասունցիներին՝ բոլոր միջոցներով խափանել այն: Եվ ամբողջ Սասունը ոտքի կանգնեց. «Կամ բոլորս ալ կմեռնինք, կամ շենք ընդունիր, որ զորանոցներ շինվին»¹⁵ նշանաբանով:

Բացի Մուշ քաղաքից, Տարոնի 28 կարևոր կետերում կառավարությունը կենտրոնացրել էր կանոնավոր զորքերի ստորաբաժանումներ: Հայկական գյուղերում նշանակված էին բուրդ պահապաններ, իբր թե գիշերային ավազակային հարձակումներից գյուղերը պաշտպանելու համար: Հայ գյուղացին պարտավոր էր վճարել իր այդ «պաշտպաններին» և կերակրել: Իրականում կառավարությունը նրանց միջոցով հետևում էր հայկական գյուղերում կատարվող ներքին անցուդարձին, հայդուկների գործունեությանը: Հայդուկների սպանալիքներից ահաբեկված, նրանցից շատերը հրաժարվում էին ծառայությունից:

Այդ օրերին էր, որ Անդրանիկն իր զինակիցներով որոշեց պատժել Մերոբին դավադրաբար սպանած ավազակապետ Բշարե Խալիլին: Չարագործ վարձկանին պատժելուց հետո, Անդրանիկը որոշում է հայդուկների մի փոքրաթիվ չեղատույլ Սասունից իջնել և ամրանալ Մուշից ոչ հեռու գտնվող Առաքելոց վանքում և հերոսական պայքարի օրինակով սխափեցնել հուսահատության մատնված ժողովրդին, նրա մեջ բորբոքել ազատագրական պայքարի

¹⁵ «Անդրանիկի հուշեր», Պեյրութ, 1935, էջ 266—267: